

নেতাজি মুক্ত বিশ্ববিদ্যালয়ের স্টাডি সেন্টার চালু হচ্ছে

কামাখ্যাগুড়ি, ২৬ সেপ্টেম্বর : চলতি বছর নভেম্বর থেকে কামাখ্যাগুড়ি শহিদ ক্ষুদিরাম কলেজে শুরু হতে চলেছে নেতাজি সুভাষ মুক্ত বিশ্ববিদ্যালয়ের লার্নার স্টাডি সেন্টার। শুধুমাত্র স্নাতকোত্তরের শিক্ষার্থীরাই এখানে ভর্তির সুযোগ পাবেন বলে জানা গিয়েছে। নভেম্বর মাসে ভর্তি শুরু হবে এবং আগামী বছর জানুয়ারি থেকে ক্লাস শুরু হবে বলে কলেজ সূত্রে জানা গিয়েছে।

প্রাথমিকভাবে বাংলা, ইংরেজি, রাষ্ট্রবিজ্ঞান, ইতিহাস, ব্যাচেলার অফ লাইব্রেরি সাইন্স, মাস্টার অফ লাইব্রেরি সাইন্স, মাস্টার অফ সোশ্যাল ওয়ার্ক- এই বিষয়গুলিতে পড়ার সুযোগ পাবেন শিক্ষার্থীরা। সম্প্রতি এই অনুমোদন মিলেছে বলে কলেজ সূত্রে জানা গিয়েছে।

জলপাইগুড়ি রিজিওনাল সেন্টারের আওতায় এই নতুন লার্নার স্টাডি সেন্টার শুরু হল। এর ফলে আলিপুরদুয়ার জেলার অসম সীমানা ঘেঁষা বিস্তীর্ণ এলাকার শিক্ষার্থীরা স্নাতকোত্তরে পড়ার একটি সুযোগ পেয়ে যাবেন।

কামাখ্যাগুড়ি শহিদ ক্ষুদিরাম কলেজ

উত্তরবঙ্গ বিশ্ববিদ্যালয় ও পঞ্চানন বর্মা বিশ্ববিদ্যালয়ে সীমিত সংখ্যক আসন থাকায় অনেক শিক্ষার্থী স্নাতকোত্তরে দূরশিক্ষার দ্বারস্থ হন। সেক্ষেত্রে বাইরের কোনও বিশ্ববিদ্যালয়ে পড়াশোনা করতে হয়। ন্যূনতম সংখ্যক ক্লাসের জন্যেও দূরে

যাতায়াত করতে হয়। কামাখ্যাগুড়ি শহিদ ক্ষুদিরাম কলেজে স্টাডি সেন্টার চালু হলে আশপাশ এলাকার অনেক শিক্ষার্থীই উপকৃত হবেন বলে ওয়াকিবহাল মহলের মত।

এই বিষয়ে কামাখ্যাগুড়ি শহিদ ক্ষুদিরাম কলেজের ভারপ্রাপ্ত শিক্ষক অজয়কুমার দত্ত বলেন, 'আমাদের কলেজে নেতাজি সুভাষ মুক্ত বিশ্ববিদ্যালয়ের লার্নার স্টাডি সেন্টার চালু হচ্ছে। নভেম্বরে ভর্তি শুরু হবে। কোনও বিষয়ে শিক্ষার্থীর সংখ্যা শতাধিক হলে ক্লাসের ব্যবস্থাও করা যাবে এবং এখানেই পরীক্ষার ব্যবস্থা হবে। অফ ও এডুকেশন এই দুই বিষয়ে স্নাতকোত্তর করা যাতে যায় সেই বিষয়ে আমরা আবেদন করেছি। অনুমোদন মিললে এই বিষয়গুলির শিক্ষার্থীদেরও সুবিধা হবে।'